



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Ab Innocentio XI. Ad Innocentium XII.

Luxemburgi, MDCCXLI.

5. Romanum decet &c. Constitutio revocatoria exemptionum à
vectigalibus, aliisque publicis oneribus.
-

[urn:nbn:de:hbz:466:1-74849](https://nbn-resolving.org/urn:nbn:de:hbz:466:1-74849)

Facultas
eligendi
Confessa-
rios etiam
pro Regu-
laribus.

De Com-
mutatio-
ne Voto-
rum.

Jubilæum
ab Ordina-
riis ubique
præcipit
publicari.

Declaratio
in quibus
dispensare
non inten-
dit.

Derogatio
contrariis.

aut captivitate existentibus, vel aliquâ corporis infirmitate, seu alio quocunque impedimento, detentis, qui supra expressa vel eorum aliqua præstare nequiverint, ut illa Confessarius ex jam approbatis à locorum Ordinariis ante præsentium publicationem, seu approbandis, eis in alia pietatis opera commutare, vel in aliud proximum tempus prorogare possit, eaque injungere, quæ ipsi poenitentes efficere poterunt, pariter concedimus, & indulgemus.

§. 3. Insuper omnibus, & singulis Christi fidelibus utriusque sexus tam Laicis, quam Ecclesiasticis, Secularibus, & Regularibus, cujusvis Ordinis, & Congregationis, & Instituti, tam in Urbe præfata, quam extrâ eam ubique locorum, ut præfertur, degentibus licentiam concedimus, & facultatem, ut sibi ad hunc effectum eligere possint quemcunque Presbyterum Confessarium, tam Secularem, quam cujusvis Ordinis, & Instituti Regularem ex approbatis, ut præmittitur, à locorum Ordinariis, qui eos ab excommunicationis, suspensionis, & aliis Ecclesiasticis sententiis, & censuris à jure, vel ab homine quâvis causa latis, seu inflatis, nec non ab omnibus peccatis, excessibus, criminibus, & delictis quantumvis gravibus, & enormibus, etiam locorum Ordinariis, sive Nobis, & Sedi Apostolicæ, etiam in Litteris die Cœnæ Domini legi solitis contentis, & aliis per quascunque Nostros, aut Romanorum Pontificum Prædecessorum Nostrorum Constitutiones, quarum tenores præsentibus haberi volumus pro expressis, quomodocumque reservatis, in foro conscientie, & hac vice tantum absolvere, & liberare valeant, & insuper vota quæcumque (Religionis, & castitatis exceptis) in alia pia, & salutaria opera commutare, injunctâ tamen eis & eorum cuilibet in supradictis omnibus casibus poenitentia salutari, aliisque ejusdem Confessarii arbitrio injungendis.

§. 4. Quapropter tenore præsentium in virtute sanctæ obedientiæ distictè præcipimus, atque mandamus omnibus, & quibuscunque Venerabilibus Fratribus Patriarchis, Archiepiscopis, Episcopis, & aliis Ecclesiarum Praelatis, ac quibuscunque Ordinariis locorum, ubicumque existentibus, eorumque Vicariis, & Officialibus, vel iis deficientibus, illis, qui curam animarum exercent, ut cum præsentium Litterarum transumpta, aut exempla etiam impressa, acceperint, illa statim absque ullâ morâ, retardatione, vel impedimento per suas Ecclesias, & Dioeceses, Provincias, Civitates, Oppida, Terras, & loca publicent, & publicari faciant, Ecclesiamque, seu Ecclesias visitandas designent.

§. 5. Non intendimus autem per præsentis super aliquâ irregularitate publicâ, vel occultâ, notâ, defectu, incapacitate seu inhabilitate quoquo modo contractâ dispensare, vel aliquam facultatem tribuere dispensandi, seu habilitandi, & in pristinum statum restituendi, etiam in foro conscientie, neque etiam easdem præsentis iis, qui à Nobis & Apostolicâ Sede, vel ab aliquo Praelato, seu Judice Ecclesiastico excommunicati, seu aliâs in sententias, censuras incidisse declarati, vel publicè denunciati fuerint, nisi intra tempus dictarum duarum hebdomadarum satisfecerint, aut cum paribus concordaverint, ullo modo suffragari posse, aut debere.

§. 6. Non obstantibus Constitutionibus, & Ordinationibus Apostolicis, præsertim quibus facultas absolviendi in certis tunc expressis casibus, ita Romano Pontifici pro tempore existenti reservatur, ut nec etiam similes, vel dissimiles Indulgentiarum, & facultatum hujusmodi concessionibus, nisi de illis expressa mentio, aut specialis derogatio fiat, cuiquam suffragari queant, nec non Regulâ Nostrâ de non concedendis Indulgentiis ad instar, ac quorumcumque Ordinum, & Congregationum, sive Institutorum regularium, etiam juramento, confirmatione Apostolicâ, vel quâvis

firmitate aliâ roboratis Statutis, & consuetudinibus; privilegiis quoque, indultis, & Litteris Apostolicis eisdem Ordinibus, Congregationibus, & Institutis, illorumque personis quomodolibet concessis, approbatis & innovatis. Quibus omnibus, & singulis, etiam si de illis, eorumque totis tenoribus specialis, expressa, & individua, non autem per clausulas generales idem importantes mentio, seu quâvis alia expressio habenda, aut aliqua alia exquisita forma ad hoc servanda foret, illorum tenores præsentibus pro sufficienter expressis, ac formam in eis traditam pro servatâ habentes, hac vice specialiter, nominatim, & expresse, ad effectum præmissorum derogamus, cæterisque contrariis quibuscumque.

§. 7. Ut autem præsentis Nostræ, quæ ad singula Loca deferri non possunt, ad omnium notitiam facilius deveniant, volumus, ut earundem præsentium transumptis, vel exemplis, etiam impressis, manu alicujus Notarii publici subscriptis, & sigillo personæ in dignitate Ecclesiasticâ constitutæ munitis, ubique locorum, & gentium eadem prorsus fides habeatur, quæ haberetur ipsis præsentibus, si forent exhibitæ, vel ostensæ. Datum Romæ apud Sanctam Mariam Majorem sub Annulo Piscatoris die 11. Decembris 1689. Pontificatus Nostri anno primo.

SANCTISSIMI D. N. D. ALEXANDRI
Divinâ Providentiâ P. P. VIII.

Constitutio revocatoria exemptionum à vectigalibus, aliisque publicis oneribus.

ALEXANDER PAPA VIII.

Ad perpetuam rei memoriam.

Romanum decet Pontificem, tanquam fidelem servum, & prudentem, quem constituit Dominus super familiam suam, non modò spiritualium providentiam Catholicæ Ecclesiæ, quantum Divina bonitas largitur, jugi vigilantia exhibere, sed & temporalium circumspeditione, suorum, & Apostolicæ Sedis, etiam quoad temporalia, subditorum commodis indefinenter consulere, eaque de causa ad æquitatis, & justitiæ fines illa, quæ publicam inopiam prægravant, opportune provisionis ministerio revocare, ac desuper pastoralis Officii sui partes sollicitis studiis interponere, prout communis utilitatis rationi, ac Reipublicæ salutis consentanea esse in Domino arbitrat.

§. 1. Cum itaque, sicut accepimus, per quasdam immunitates, & exemptiones à vectigalibus, aliorumque onerum publicorum solutione, & supportatione, quæ à nonnullis Romanis Pontificibus Prædecessoribus Nostriis, & Sede præfata, illiusque forsân de Latere Legatis, ac aliis ejusdem Sedis, & Cameræ Nostræ Apostolicæ Officialibus, & Ministris, ad importunas supplicantium preces, seu aliâs quomodolibet concessæ requiruntur, Camera prædicta, ac Communitates, & Universitates Civitatum, Oppidorum, Terrarum, & Locorum temporalis S. R. E. ditionis in gravissimis, quibus propter tot sumptus antehac in causam publicam factos, multaque onera propterea imposita, premuntur angustiis, maximam redituum, & proventuum suorum diminutionem patiantur, & plurimi subditi Nostri, ac præcipuè pauperiores, in quos ejus, quod cæteris, sive ut plurimum locupletioribus, per immunitates, & exemptiones hujusmodi remittitur, onus derivari necesse est, ingenti damno afficiantur.

§. 2. Hinc est, quod Nos, quibus agri Domini cura divinitus commissa fuit, ut juxta Prophetam noxia evellamus, & utilia plantemus, quique statim, ac Salvatoris, & Domini Nostri vi-

Transum-
ptorum fi-
des.

d. 11. De-
cembris
1689. P. A.
primo.

V.

Subdito-
rum com-
modum est
motivum
providen-
di.

Aliquo-
rum ex-
ceptiones
& immu-
nitates
non exem-
ptos præ-
gravant.

Quare
Prædeces-
sorum ex-
emplo ex-
em. tiones
revocat.

ces

ces in terris gerendas Divinā dignatione suscepimus, eisdem subditis Nostriis quācumque opportuniore, & aequiore ratione sublevandis omnem operam, atque industriam Nostram adhibere proposuimus, jamque ab ipsis Pontificatus Nostri primordiis proposito hujusmodi aliquā ex parte satisfacere studuimus, Cameræ, ac Communitatum, & Universitatum, subditorumque Nostrorum prædictorum indemnitati, & levamento, quantum cum Domino possumus, æquē principaliter consulere cupientes, ac fel. record. Sixti V. Pauli etiam V. Urbani VIII. Innocentii X. Alexandri VII. Clementis IX. Clementis X. & Innocentii XI. aliorumque Romanorum Pontificum Prædecessorum Nostrorum, qui Constitutiones similibus exemptionum & immunitatum revocatorias ediderunt, vestigiis inhaerentes, nec non quarumcunque concessionum, immunitatum, & exemptionum hujusmodi, Litterarumque Apostolicarum sub plumbō, ac in simili forma Brevis, cedularum motus proprii, & chirographorum cujusvis Romani Pontificis Prædecessoris Nostri manu subscriptorum, ac illarum Litterarum, & scripturarum desuper quomodolibet emanatarum, pluriesque etiam confirmatarum tenores, etiam veriores, & datas, ac occasiones, & alia etiam speciali, ac individua expressione digna, præsentibus pro plenè, & sufficienter expressis, & verbatim insertis respectivè habentes, Motu proprio, non ad cuiusquam Nobis super hoc oblatæ petitionis instantiam, sed ex certâ scientiâ, & maturâ deliberatione Nostriis, deque Apostolicæ potestatis plenitudine hac Nostra perpetuò valiturâ Constitutione omnes, & quascunque exemptiones, & immunitates à solutione subsidii triennalis: nec non quarti illi adjuncti, taxarum equorum, talliarum, censuum archivii, fogliettæ tritemium, utensilium, dohanarum, gabellarum quarumcunque, taxæ portus Anconæ, quatinorum, tractarum, pedagiorum, vestigialium, collectarum, & quorumlibet aliorum onerum, & munerum personalium, realium, & mixtorum, ordinariorum, & extraordinariorum, solitorum, & insolitorum Cameralium, quorumcunque, ac etiam eorum, quæ per Communitates, & Universitates directè vel indirectè pro eorumdem onerum Cameralium solutione, publicorumque munerum supportatione, ac pro viis, & pontibus construendis, instaurandis, muniendis, & manutenendis, aliisque indigentis, & usibus quibuscunque, tam Cameræ, quàm Communitatum, & Universitatum prædictarum, seu alias indictæ & impositæ, ac exigi solita sunt, nec non ab obligatione recipiendi, & hospitandi milites, & Sedis prædictæ Officiales, Barigellos, Executores, aliosque Justitiæ Ministros, eisque utensilia, & alia necessaria subministrandi per Romanos Pontifices Prædecessores Nostros, ac eandem Sedem Apostolicam, & quosvis Sedis, & Cameræ prædictarum Officiales, & Ministros quacunque auctoritate, & potestate fungentes, etiam S. R. E. Cardinales, etiam de Latere Legatos, etiam Camerarios, ceterosque, etiam speciali notâ, & expressione dignos, ac specialem ad id facultatem habentes, quibuscunque Communitatibus, Universitatibus, Civitatibus, Terris, Oppidis, & locis ditionis temporalis S. R. E. prædictæ, ac etiam quibuscunque feudatariis, censuariis, dominis locorum, familiis nobilibus, Baronibus, Comitibus, Marchionibus, Ducibus, Principibus, & aliis cujusvis status, gradus, conditionis, & præeminentiæ existentibus, ac quavis dignitate, etiam Ecclesiasticâ, & auctoritate prædictis, etiam Cardinalatus honore fulgentibus, qui castra, & jurisdictiones intra limites dictæ ditionis temporalis S. R. E. possident, etiam qui nihil ratione castrorum, & jurisdictionum hujusmodi Sedi prædictæ annuatim, seu alias persolvunt, & tam incolis quàm extraneis, & forensibus, bona stabilia, seu mobilia, vel se moventia habentibus, & tenentibus, seu possidentibus, omnium-

que supradictorum colonis & laboratoribus, etiam in recompensam laborum, damnorum passorum, expensarum vel meritorum, seu aliorum intuitu, & contemplatione, ac ex aliâ quacunque quantumvis favorabili ac urgentissimâ, & de necessitate specialiter exprimendâ causâ, sub quibuscunque verborum formis & expressionibus, etiam si in Appaltuum, & locationum Cameralium Instrumentis, quantumvis auctoritate Apostolicâ, confirmatis, provisum & cautum sit, eas observari debere, ac cum quibuscunque clausulis, & Decretis, etiam motu, scientiâ, declaratione & potestatis plenitudine paribus, etiam consistorialiter, & alias quomodocunque, & qualitercunque in genere, vel in specie, ad vitam, vel ad tempus, sive in perpetuum concessas & datas, ac pluries, & iteratis vicibus confirmatas, approbatas, revalidatas, & innovatas, & inde etiam Judicis auctoritate sequutâ, quæcunque, nec non quasvis Litteras, etiam Apostolicas sub plumbō, vel in simili formâ Brevis, motus proprii cedulas, chirographa, & scripturas hujusmodi, ex nunc perpetuò revocamus, cassamus, tollimus, abrogamus, irritamus, abolemus, viribusque, & effectu penitus, & omninò evacuamus, & revocata, cassata, sublata, & abrogata, irrita, abolita, & annullata, viribusque, & effectu penitus, ac omninò vacua esse, nec ulli prorsus in petitorio, aut possessorio, etiam summarissimo contrâ præsentium Litterarum tenorem, & dispositionem suffragari posse, sed prædictos omnes, & singulos exemptos ad omnium, & singulorum onerum prædictorum solutionem, & supportationem pro ratâ eos tangente in posterum realiter, & cum effectu teneri, in omnibus & per omnia, perinde ac si dictæ exemptiones, & immunitates eis nullatenus concessæ fuissent, nec Litteræ, ac cedulæ motus proprii, chirographa, & scripturæ hujusmodi unquam emanassent, motu, scientiâ, deliberatione, & potestatis plenitudine prædictis decernimus, statuimus, & declaramus.

§. 3. Præterea omnia & quæcunque privilegia & indulta, personis Ecclesiasticis, tam Secularibus, quàm cujusvis Ordinis, Congregationis, & Instituti, ac Societatis, etiam Jesu Regularibus, super similibus immunitatibus & exceptionibus, per quoscunque Romanos Pontifices Prædecessores Nostros concessa, ad limites Juris communis motu, scientiâ, deliberatione, & potestatis plenitudine, & tenore prædictis reducimus.

§. 4. Illa verò, quæ nonnullis Collegiis in alimâ Urbe Nostrâ existentibus, per Dilectos Filios Clericos Regulares Societatis Jesu, sive alios quoscunque administrari consuevit, similiter à Romanis Pontificibus Prædecessoribus Nostriis concessa fuerunt, quoad victum, & vestitum dumtaxat, non autem ut vulgò dicitur à fundato, & magazzino, prout antehac observatum fuit, suffragari volumus, & decernimus.

§. 5. Ac demum similia privilegia & indulta Nepotibus, & aliis consanguineis, vel affinis Romanorum Pontificum Prædecessorum Nostrorum pro tempore viventium, ab illis respectivè concessa itidem revocamus, & abolemus, ac revocata & abolita esse, ac censi debere volumus, & statuimus. Declarantes illa nemini eorumdem Nepotum, sive consanguineorum, vel affinium à die Nostræ ad summi Apostolatus apicem assumptionis suffragari posse, & debere, seu potuisse, ac debuisse.

§. 6. Per præmissa autem non intendimus revocare exemptiones, & immunitates quibuscunque personis Ecclesiasticis tam Secularibus, quàm Regularibus, de jure competentes, neque Thesaurariis, Appaltatoribus, & Conductoribus bonorum, introituum, & jurium dictæ Cameræ Nostræ ab ipsa Camera, vel aliis illius nomine in Appaltuum, & locationum Instrumentis, & illorum ratione ex contractu, tituloque verè oneroso concessas.

Etiam exemptis ratione Appaltuum Cameralium.

Verba revocatoria.

Quæ pro futuro tempore intelligenda.

Ecclesiasticorum privilegia ad limites Juris communis reducuntur.

Collegiis Urbis concessa ad victum & vestitum restringuntur.

Abolentur concessa Nepotibus & consanguineis Pontificum & effectus retrorahitur ad diem suæ assumptionis.

Reservantur exemptiones certis Personis de jure vel ex oneroso cum Camera contra contractus competentes.

Exemptionum species.

Quibus ejusmodi exemptiones auferantur.

Nec non exemptiones concessæ à Communitatibus ex contractu oneroso & causis declarandis.

Forma reportandi Declarationem exemptionis præservatæ

Excipiuntur Cardinales, Clerici Camerae & alii.

Injungitur Ministris observantia.

Lites super præmissis extinguuntur.

§. 7. Ac insuper à revocationibus, & aliis supradictis excipimus, & exceptas esse volumus & declaramus immunitates, & exemptiones quibuscumque Universitatibus, & personis datas, & concessas in vim contractus ex causa verè onerosâ, videlicet congruæ, & effectualis pecuniarium solutionis, & non aliâs eidem Camera Apostolicæ, vel ipsis Communitatibus legitime factæ, vel ex aliis rationabilibus causis per Nos cognoscendis, & approbandis, ut infra, ac etiam declarandis: quas omnes causas onerosas, non nisi legitimas, ac licitas, & honestas, prout de jure approbare intendimus.

§. 8. Et propterea quicumque illas obtinent, eas in dictâ Camera citato Dilecto Filio ipsius Camerae Commissario Generali verificare, & in ipsâ Camera examinari, & admitti facere teneantur, etiam si concessionem earundem immunitatum, & exemptionum, ac Litterarum, cedulæ motus proprii, chirographa, & aliæ scripturæ desuper emanatæ, & emanata aliâs in Camera prædictâ admittæ & admittæ, ac in illâ ejusque libris registratæ & registratæ fuerint & sint; quatenus tamen causæ onerosæ hujusmodi pro verè onerosis & legitimis, ut supra, aliâs in eadem Camera verificatæ, & approbatæ, ac præviâ judiciali discussione non sint legitimæ habitæ: quo casu ad indicationem tantum, non autem ad illam verificationem eosdem obtinentes, teneri volumus, interim verò quamdiu non fuerint verificatæ minimè suffragari, & præsentis revocationis effectum retardare non posse declaramus.

§. 9. Præterea Nostræ intentionis non est sub revocationibus, & aliis supradictis comprehendere immunitates, & exemptiones eisdem S.R.E. Cardinalibus ratione dignitatis Cardinalatus, nec non Camerae prædictæ Clericis, Præfidentibus, aliisque Cameralibus, qui in eadem Camera federunt, & sedent, concedi, seu admitti solitas; nec illas, quibus Prælati, & Officiales Romanæ Curiae, ac Prælati Domestici, Cubicularii Secreti, ac Secretarii, & alii familiares, & continui commensales Nostri, & Romani Pontificis pro tempore viventis in rotulo descripti gaudent, & gaudere consueverunt: neque illas ob numerum duodecim filiorum à Prædecessoribus Nostri, & aliis supra expressis concessas, quas tamen ad terminos Constitutionis rec. mem. Pii PP. IV. Prædecessoris pariter Nostri quæ incipit, Licet fel. rec. Paulus &c. cujus tenorem præsentibus pro plenè, & sufficienter expresso, ac de verbo ad verbum inserto haberi, illamque exactè, & ad amissim juxta illius seriem, tenorem, & dispositionem in omnibus, & per omnia servari debere volumus, & aliarum Constitutionum Apostolicarum super similibus exemptionum declaratione editarum, & ad illas tantum, & pro tempore, & personis, ac eo modo, & formâ, quibus de Jure communi illis competunt, & aliâs juxta ipsius Juris communis, ac supradictarum, & aliarum Constitutionum Apostolicarum dispositionem reducimus, neque aliter, quàm ut præfertur, sive in possessorio, sive in petitorio suffragari volumus, & decernimus.

§. 10. Caterum Appaltatoribus, Thesaurariis, Depositariis, Commissariis, Executoribus, & cæteris Agentibus, & Ministris dictæ Camerae, ac Communitatum, & Universitatum prædictarum, earundem serie præsentium districtius inhibemus, ne contra ipsarum præsentium dispositionem immunitates, & exemptiones, nisi ut supra exceptas, ac eas, quas ex causâ verè onerosâ concessas in Camera prædictâ, ut præfertur, admitti contigerit, ullatenus admittant: & si secus fuerint id nemini eorum in suis computis seu rationibus per eandem Cameraam admitti volumus, sed eorum damno cessurum esse declaramus.

§. 11. Postremò lites quaslibet occasione privilegiorum, ac indultorum, nec non immunitatum, & exemptionum hujusmodi quomodolibet

fuscitatas, & in quibusvis Tribunalibus pendentes (illarum omnium, & singularum statum, & merita, nominaque & cognomina Judicum, & colligantium quorumvis, etiam speciali mentione dignorum, & alia etiam de necessitate specialiter exprimenda, præsentibus pro plenè & sufficienter expressis habentes) à quibusvis Tribunalibus hujusmodi ad Nos earundem serie præsentium avocamus, illasque penitus, & omnino perpetuò suppressimus, & extinguimus, & pro suppressis, & extinctis haberi volumus, & declaramus, ac partibus perpetuum desuper silentium imponimus.

§. 12. Decernentes præsentibus Litteras, ac omnia, & singula in illis contenta, etiam ex eo quod quicumque in præmissis, sive eorum aliquo interesse habentes, seu habere quomodolibet prætendentes illis non consenserint, ac ad ea vocati, & auditi, seu causæ propter quas ipsæ præsentibus emanarunt adductæ, verificatæ, seu aliâs sufficienter, aut etiam ullatenus justificatæ non fuerint, aut ex aliâ quâvis, quantumlibet legitimâ, piâ, juridica, & privilegiata causa, colore, prætextu, occasione & capite, etiam in corpore Juris clauso, etiam enormis, enormissimæ & totalis læsionis nullo unquam tempore de subreptionis, vel obreptionis, nullitatis, aut invaliditatis vitio, seu intentionis Nostræ, vel quorumvis interesse habentium consensus, aut alio quovis quantumvis magno & substantiali, ac inexcogitato defectu notari, impugnari, invalidari, restringi, in Jus, vel controversiam vocari, suspendi, limitari, aut ad terminos Juris reduci, seu adversus illas aperiitionis oris, restitutionis in integrum, aut aliud quodcumque Juris, facti, vel gratiæ remedium impetrari, seu etiam motu simili concessio quempiam in judicio, vel extrâ illud uti, seu se juvare posse; neque eadem præsentibus sub quibusvis similibus, vel dissimilibus Constitutionum, ac revocationum, & ordinationum revocationibus, suspensionibus, limitationibus, & aliis contrariis dispositionibus pro tempore, quomodolibet factis, comprehendi, aut comprehensas censi, sed semper ab illis exceptas, & quoties illæ emanabunt, toties in pristinum, & validissimum statum restitutas, repositas, & plenariè reintegratas, ac etiam sub posteriori data, quatenus opus sit, de novo concessas perpetuèque validas, firmas, & efficaces existere & fore, suoque plenarios & integros effectus sortiri, & obtinere, ac ab omnibus, ad quos spectat, & quodcumque spectabit, inviolabiliter observari.

§. 13. Sicque in præmissis per quoscunque Judices, & Commissarios, etiam causarum Palatii Apostolici Auditores, ac ejusdem S. R. E. Cardinales, etiam de Latere Legatos, & quosvis Sedis, & Camerae prædictarum Officiales & Ministros, & alios quoscunque quâvis auctoritate, & potestate fungentes, nunc & pro tempore existentes, sublatâ eis & eorum cuilibet quâvis aliter judicandi, & interpretandi facultate, & auctoritate, judicari, & definiti debere, ac irritum, & inane, si secus super his à quoquam quâvis auctoritate scienter vel ignoranter contigerit attentari.

§. 14. Quocirca Dilectis Filiis Nostro, ac S.R.E. prædictæ Camerario, seu Procamerario, nec non Vicecamerario, Thesaurario, ac Clericis Præfidentibus, Commissario, & aliis Camerae prædictæ Officialibus, ad quos spectat, præcipimus, & mandamus, ut præsentem Nostram Constitutionem, & in ea contenta quæcumque in omnibus & singulis firmiter, & inviolabiliter observent, & faciant ab aliis observari.

§. 15. Non obstant. supradictarum litium pendentia aliisque omnibus, & singulis præmissis, nec non Nostrâ, & Cancellariæ Apostolicæ Regulâ de jure quæsito non tollendo, ac quatenus opus sit, prædicti Pii Prædecessoris de gratiis quæcumque interesse dictæ Camerae concernentibus in eadem Camera præstandis, & registrandis ita ut præsentibus in ea præsentari, aut registrari nunquam necesse sit,

Decretum super observatis.

Decretum irritans & clausula sublatâ.

Executori deputatio.

Clausula derogatoria.

alii-

aliisque Apostolicis, ac in universalibus, provincialibusque Conciliis editis generalibus, vel specialibus Constitutionibus, & Ordinationibus, nec non quibuscvis, etiam iuramento, confirmatione Apostolica, vel quavis firmitate alia roboratis Statutis, & consuetudinibus, etiam immemorabilibus, privilegiis quoque, indultis, concessionibus, immunitatibus, exemptionibus, chirographis, cedulis motuum propriorum, & aliis scripturis, & Litteris, etiam Apostolicis predictis, & quibuscvis aliis, etiam ut praefertur qualificatis, ac speciali nota, & mentione dignis, etiam nominatim essent exprimendae, sub quibuscunque verborum tenoribus, & formis, ac cum quibuscvis, etiam derogatoriis derogatoriis, aliisque efficacioribus, & infolitis clausulis, ac irritantibus, & aliis Decretis, etiam inexcogitabilibus, & necessariis exprimendis, etiam contra dictus jurati cum Camera Nostra Apostolica initi, & Camerali obligatione vallati, & quovis alio robore, & cautela firmatis, editis, seu factis, ac aliis quomodolibet in contrarium praemissorum concessis, confirmatis & pluries innovatis. Quibus omnibus & singulis, etiam si in eis caveatur expresse, quod nullo unquam tempore sub similibus vel dissimilibus exemptionum, & immunitatum revocationibus, abrogationibus, annulationibus, aut aliis quibuscunque contrariis dispositionibus, & Constitutionibus, pro tempore edendis comprehendantur, sed semper ab illis excepta, & quoties illae emanant, toties in pristinum eumque validissimum statum restituta, reposita, & reintegrata, ac etiam sub posteriori data per quascunque personas eligenda de novo concessa sint, & esse censeantur, nec non pro sufficienti eorum derogatione de illis, eorumque totis tenoribus specialis, specifica, individua, & expressa, ac de verbo ad verbum, non autem per clausulas generales idem importantes mentio, seu quavis alia expressio facienda, aut alia exquisita forma ad hoc servanda foret, illorum omnium, & singulorum tenores, formas, & occasiones praesentibus pro plenè, & sufficienter expressis, insertis, ac servatis respectivè habentes, illis aliis in suo robore permanentibus, ad praemissorum effectum specialiter, & expresse derogamus, ac derogatum esse volumus, ceterisque contrariis quibuscunque.

§. 16. Ut autem eadem praesentes Litterae ad omnium notitiam facilius deveniant, volumus & auctoritate Apostolica decernimus, illas ad valvas Basilicae Principis Apostolorum, & Cancellariae Apostolicae, ac in acie Campi Florae de Urbe per aliquem ex Curatoribus Nostri publicari, ac illarum exempla ibidem affixa relinqui, quae sic publicatae omnes & singulos, quos concernunt, perinde afficiant, & arceant, ac si illorum unicuique personaliter notificatae, & intimatae fuissent.

§. 17. Utque earundem praesentium transumptis, seu exemplis, etiam impressis, manu Notarii publici subscriptis, & sigillo alicujus personae in Ecclesiastica dignitate constitutae munitis, eadem fides in iudicio, & extra illud adhibeatur, quae praesentibus adhiberetur, si forent exhibitae, vel ostensa. Datum Romae apud Sanctam Mariam maiorem sub Annulo Piscatoris die 24. Decembris 1689, Pontificatus Nostri anno primo.

J. F. ALBANUS.

SANCTISSIMI D. N. D. ALEXANDRI
Divina Providentiæ Papæ VIII.

Concessio Privilegiorum pro nonnullis suis familiaribus.

ALEXANDER PAPA VIII.

Venerabilibus Fratribus, Bandino Panciatico Patriarchæ Hierosolymitano Datario, Her-

culi Vicecomiti Archiepiscopo Damiaten. Palatii Nostri Apostolici, ac Josepho Eufanio Prophyrien. Sacarii Nostri respectivè Praefectis, & Joanni Baptistæ Rubino Vicentin. Episcopis Secretario Status, ac Dilectis Filiis Magistris Mario Spinulae Januen. Litterarum Nostrearum in formâ Brevis, quæ ad Principes scribuntur, Joanni Francisco Albano Urbinaten. Brevium Nostrorum Secretorum, respectivè Secretariis, & Marcello de Aste Romano in utraqve signaturâ Nostâ Referendario Auditori Nostro. Prælati Domesticis Nostri; Ac Petro Draghi Bartoli Veneto Cubiculi Nostri Praefecto, Mariano Gabrieli Aquilejen. Pincernæ, Josepho Tempestino Romano Architricino, Francisco Maggi Aretin. Vestiaro, Josepho Felici Reatin. Elemosynario Secreto, Bernardino Sarti Ariminen. Romulo Specioi Firman. Medico Secreto, & Raphaeli Fabretti Urbinaten. Libellorum supplicum Nobis porrectorum Secretario, Cubiculariis intimis, seu secretis; nec non Urbano Roccio Romano Forerio Majori, & Theodoro Cellesio Pistorien. Fratri Militi Magnæ Crucis Hospitalis Sancti Joannis Hierosolymitani, ac Comiti Alexandro Capicuchio Romano iidem Cubiculariis Secretis, & Josepho Sacripanti Narnien. Aulae Nostre Confistorialis Advocato Subdatario, ac Bartholomæo Clementi Camerinen. Caudatario, Joanni Paulo Romaldi Aſin. Crucifero, Joanni Bisalga Vercellen. & Bernardino Porti Bononien. Cappellani Secretis, nec non Aeneæ Brugioni Casenaten. Antonio Scipioni Gabelotti Faventin. Alexandro Ferni Laudin. Bernardino Ceci Alatin. & Ludovico del Nero Romano respectivè Civitatum vel Diocesum Clericis seu Presbyteris, vel Laicis Cubiculi Nostri Adjutoribus familiaribus, continuis commensalibus Nostri, Salutem & Apostolicam Benedictionem.

Circumspecta Romani Pontificis gratiarum dispensatoris providentia devotos, & fideles suos, illos praesertim, qui grata familiaritatis obsequia jugiter ei impendunt, ac quos ad id aliis propria virtutum merita commendant, honoris, & famae amplioribus praconiis, ac praeclaris dignitatum titulis decorare, & ornare, nec non specialis benevolentiae favoribus amplecti solet, prout personarum qualitatibus conspicit convenire.

§. 1. Hinc est, quod Nos ad grata familiaritatis obsequia, quæ vos, qui etiam continui commensales Nostri existitis, & quilibet vestrum Nobis hæcenus impendistis, & adhuc sollicitis studiis, impendistis nec non ad vitae, ac morum honestatem, aliaque laudabilia probitatis, & virtutum merita, quibus personas vestras, etiam familiari experientia juveni percepimus, condignam rationem habentes, ac propterea easdem personas vestras peculiaris favore gratiae, ac specialis honoris, & excellentiae dignitatis titulo sublimare volentes, vosque, & quemlibet vestrum à quibuscvis excommunicationis, suspensionis, & interdicti, aliisque Ecclesiasticis sententiis, censuris, & poenis à jure, vel ab homine quavis occasione, vel causa latis, si quibus quomodolibet innodati existitis, ad effectum praesentium dumtaxat consequendum harum serie absolventes, & absolutas fore censentes; Motu proprio, non ad vestram vel alterius pro vobis super hoc oblate petitionis instantiam, sed de merâ liberalitate, & certâ scientia Nostri, ac de Apostolica potestatis plenitudine vos, & quemlibet vestrum respectivè in Nostros, & Sedis Apostolicae Notarios (sinè tamen praesudicio Dilectorum Filiorum Notariorum de numero participantium) Apostolicâ auctoritate tenore praesentium recipimus, ac Sacri Palatii, & Aulae Lateranen. Comites, nec non auratae Militiae Equites, ac Nobiles Romanos, & Urbis Romæ, ac Civitatum Avenionen. Bononien. Ferrarien. & Beneventan. omniumque, & singularum aliarum Civitatum, Terrarum, & lo-

Nomina
familiarium Sancti-
tatis Suae.

Exordium
à solito more favendi
familiaribus.

Motu proprio creat
Notarios, Comites
Palatinos, Equites,
Nobiles Romanos
ac Civis Urbis &
aliarum Civitatum.

corum

Publicari
mandat, &

Transumptis fidem
adhiberi.

P. A. primo
24. Decembris
1689.

VI.